



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus


Coloniae Agripp., 1623

Medit. 21. De Christi 1. accusatione apud Pilatum.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

multi defectus nunc apparent leues, quos post, vbi ad mortem ventum fuerit, grauiores opinionone nostra cognoscemus, cum periculo forte desperationis, nisi maturè respiscamus.

6. Quicumque ducti amore diuitiarum & temporalium commodorum discedunt à seruitute Christi, & ad sæculum reuertuntur, laqueo tenentur implicati vt Iudas.



MEDITATIO XXI.

DE PRIMA CHRISTI

APVD PILATVM ACCVSATIONE.

PVNCTA MEDITATIONIS.

- Ioan. 18.* I. *Iudæi non introierunt in prætorium, ne contaminarentur, sed manducarent pascha.*
- II. *Pilato interroganti quam accusationem afferent? respondent: si non esset malefactor, non tradissemus eum.*
- III. *Et cœperunt accusare. 1. quod subuerteret gentem. 2. prohiberet dari tributum. 3. diceret se regem.*

FIGVRA.

Dan. 6. **P** Rincipes Regis Darii inuidentes Danieli, quod sibi prælatus esset, calumniis apud Regem oppresserunt, vsque eodum traderetur ad mortem.

PRO-

P R O P H E T I Æ.

EXACVERUNT *ut gladium linguas suas, intenderunt arcum rem amaram, ut sagittent in occultis immaculatum.* Psal. 63.

Locuti sunt aduersum me lingua dolosa, & sermonibus odij circunderunt me, & expugnarunt me gratis. Ps. 108.

D O C U M E N T A.

1. **Q**UOMODO nos superioribus nostris non subiecti esse possumus etiamsi non satis probi sint, cum videamus filium Dei tanta cum submissione stare coram Pilato: & quomodo nos terra & cinis æqualibus non cedamus, cum videamus Christum iudicem cœli & terræ, homini se submittere iudici Iudææ?
2. Patienter ferendum est, si qui ornati à nobis beneficijs, tamen aduersantur, & nos apud mundum accusant: idem enim à Iudæis passus est Christus: Nunc etiam quotidie patientissime à nobis id patitur, qui cum tot ipsius beneficijs obligati simus, tam negligenter tamen illi seruiamus, sæpissime etiam peccatis offendimus.
3. Si quod à nobis rectè factum est, in malam partem accipiatur: cogitemus & Christum ipsam veritatem, habitum atque appellatum esse seductorem & malefactorem.
4. Accusamus Christum, cum proximo nostro aut falsi aliquid imponimus, aut verum exaggeramus, aut sine causa alijs defectus illius aperimus.

5. Christum vt seductorem accusant ij, quos
pœnitet audisse eius inspirationes, & cœpisse
illius seruituti se dare: desiderantes videlicet
redire ad ollas Ægyptii.



MEDITATIO XXII. EXAMEN PILATI.

PVNCTA MEDITATIONIS.

- Mat. 27.* I. Pilato Prætorium ingresso ac rogan-
Mar. 53. ti: An esset Rex Iudæorum? respōdit.
Luc. 23. I. Regnum suum non esse de hoc
Ioan. 18. mundo. Vt iterius instanti, addit: se
Regem esse, & in mundum venisse,
vt testimonium perhibeat veritati.
II. Pilato Iudæis dicente se causam in eo
non inuenire, accusabant eum Prin-
cipes, Christo penitus tacente.
III. Tandem inualescentes dicunt: Cō-
mouit populum docens per vni-
uersam Iudæam, incipiens à Ga-
lilæa.

PROPHETIÆ.

Psal. 2. **E**GO autem constitutus sum Rex ab eo, su-
per Sion montem sanctum eius prædicans
præceptum eius.

Testem